

## 7 февраля 2026. Святитель Григорий Богослов

### Великая Вечерня (приходская)

*По окончании 9-го часа священник произносит начальный возглас:*

Благословен Бог наш всегда, ныне и присно, и во веки веков.

**Чтец:** Амѣнь.

Приидѣте, поклонѣмся Царѣви нашему Богу.

Приидѣте, поклонѣмся и припадѣм Христу Царѣви нашему Богу.

Приидѣте, поклонѣмся и припадѣм Самому Христу, Царѣви и Богу нашему.

### Псалом 103

Благослови, душе моя, Господа. Господи, Боже мой, возвеличился еси зело. Во исповѣдание и в велелепоту облелся еси. Одейся светом, яко ризою, простираяй небо, яко кожу. Покрываая водами превыспренняя Своя, полагаая облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егоже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяяй горы от превыспренних Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедр Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокия еленем, камень прибежище зайцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающи, восхитити и взыскати от Бога пищу себе. Возсия солнце и обратася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают,

зми́й сей, е́гоже созда́л еси руга́тися е́му. Вся к Тебе́ ча́ют, да́ти пи́щу им во бла́го вре́мя. Да́вшу Тебе́ им со́берут, отве́рзшу Тебе́ ру́ку вся́ческая испо́лнятся бла́гости, отве́рзшу же Тебе́ лице́, возме́ются, отъи́меши дух их, и исче́знут, и в персть свою́ возвратя́тся. По́слеши Ду́ха Твоего́, и сози́ждутся, и обнові́ши лице́ земли́. Буди́ сла́ва Госпо́дня во ве́ки, возвеселі́тся Госпо́дь о де́лах Свои́х, призира́яй на зе́млю, и твоя́й ю́ трясти́ся, прикаса́яйся гора́м, и дыма́тся. Воспою́ Го́сподеви в животе́ моём, пою́ Бо́гу моему́, до́ндеже есмь, да услади́тся Е́му бесе́да моя́, аз же возвеселю́ся о Го́споде. Да исче́знут грѣшницы́ от земли́, и беззако́нницы, я́коже не бы́ти им. Благослови́, душе́ моя́, Го́спода.

Со́лнце позна́ запа́д свой. Положи́л еси́ тму, и бысть но́щь. Я́ко возвели́чишася дела́ Твоя́, Го́споди, вся премудро́стию сотвори́л еси́.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же *(Трижды)*.

### Ектенія великая

*Диакон:* Ми́ром Го́споду помо́лимся.

**Лик:** Го́споди, помі́луй *(на каждое прошение)*.

*Диакон:* О свѣ́шнем ми́ре и спасѣ́нии душ на́ших, Го́споду помо́лимся *и прошения по чину*.

*Диакон:* Пресвяту́ю, Пречи́стую, Преблагословѣ́нную, Сла́вную Влады́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себѣ́ и друг дру́га, и весь живо́т наш Хри́сту Бо́гу преда́дим.

**Лик:** Тебе́, Го́споди.

*Священник:* Я́ко подоба́ет Тебе́ вся́кая сла́ва, честь и поклонѣ́ние, Отцу́, и Сы́ну, и Свято́му Ду́ху, ны́не и прісно, и во ве́ки веко́в.

**Лик:** Ами́нь.

### 1 антифон 1 кафизмы («Блажен муж»)

Блаже́н муж, і́же не і́де на сове́т нечесті́вых. Аллилу́иа *(трижды)*.

Я́ко весть Госпо́дь путь пра́ведных, и путь нечесті́вых погі́бнет. Аллилу́иа *(трижды)*.

Работайте Господеви со страхом и радуйтесь Ему с трепетом. Аллилуия **(трижды)**.

Блажени вси надеющиися Нань. Аллилуия **(трижды)**.

Воскресни, Господи, спаси мя, Боже мой. Аллилуия **(трижды)**.

Господне есть спасение и на людех Твоих благословение Твое. Аллилуия **(трижды)**.

Слава Отцу и Сыну и Святому Духу, и ныне и присно и во веки веков. Аминь. Аллилуия **(трижды)**.

Аллилуиа, аллилуиа, аллилуиа. Слава Тебе, Боже. **(Трижды)**.

#### Ектения малая

**Диакон:** Паки и паки, миром Господу помóлимся.

**Лик:** Гóсподи, помíлуй.

Заступи, спаси, помíлуй и сохрани нас, Бóже, Твоею благодáтию.

**Лик:** Гóсподи, помíлуй.

Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянуvше, сами себе и друг друга, и весь живот наш Христу Богу предадим.

**Лик:** Тебé, Гóсподи.

**Священник:** Яко Твоя держава, и Твое есть цáрство, и сила, и слава, Отца и Сына и Святаго Духа, ныне, и присно, и во веки веков.

**Лик:** Амíнь.

#### Стихиры на «Господи, воззвах»

**Канонарх:** Глас 1, Гóсподи, воззвах к Тебé, услыши мя.

Гóсподи, воззвах к Тебé, услыши мя./ Услыши мя, Гóсподи. Гóсподи, воззвах к Тебé, услыши мя:/ вонми гласу мо-

лѣнія моего, / внигда́ воззвати ми к Тебѣ.// Услыши мя,  
Господи.

Да исправится молитва моя, / яко кадило пред Тобою, /  
воздеяние рукъ мою / – жертва вечерняя.// Услыши мя,  
Господи.

свт. Григория Богослова, архиепископа Константинопольского

**На 6, стих:** Аще беззакония назириши, Господи, Господи, кто постоит? /  
Яко у Тебѣ очищение есть.

Отче Григорие, / твоихъ устен / ни ходатай забвения гроб  
затвори: / Богословия бо явился еси уста, / благочестия  
догматы / и ныне вселенней вещая. / Темже молися / даро-  
вати душам нашим // мир и велию милость.

**Стих:** Имене ради Твоего потерпех Тя, Господи, потерпѣ душа моя в  
слово Твое /

упова душа моя на Господа.

Отче Григорие, / твоихъ устен / ни ходатай забвения гроб  
затвори: / Богословия бо явился еси уста, / благочестия  
догматы / и ныне вселенней вещая. / Темже молися / даро-  
вати душам нашим // мир и велию милость.

**На 4, стих:** От стражи утренния до нощи, от стражи утренния, /

да уповает Израиль на Господа.

Отче Григорие, / мудре плоти уклонился еси / благо пребы-  
вательнонаго и наветнаго, / на неботечную же всед / четверо-  
конную добродетелей колесницу, / вперился еси к до-  
броте неизреченней. / Еяже насыщаяся, / ныне подаеши  
душам нашим // мир и велию милость.

**Глас 2. Стих:** Яко у Господа милость, и многое у Него избавление,

и Той изба́вит Изра́иля от все́х беззако́ний его́.

Приидите, священными пёсньми/ да восхва́лим Богоглаго́ливаго Григо́рия,/ око́ благодати и всему́драя уста́ Духа Свята́го,/ све́тлаго свети́льника вселённыя,/ ве́лие Це́ркви оглаше́ние,/ сла́ву Правосла́вия,/ всечу́дную Богосло́вия струю́,/ Божественных догма́тов приснотеку́щую реку́,/ исто́чник, всегда́ кипящий// нетле́ния Божественныя во́ды.

**На 2, стих:** Хвалите Го́спода вси́ языцы, /  
похвалите Его́ вси́ лю́дие.

Приидите, священными пёсньми/ да восхва́лим Богоглаго́ливаго Григо́рия,/ око́ благодати и всему́драя уста́ Духа Свята́го,/ све́тлаго свети́льника вселённыя,/ ве́лие Це́ркви оглаше́ние,/ сла́ву Правосла́вия,/ всечу́дную Богосло́вия струю́,/ Божественных догма́тов приснотеку́щую реку́,/ исто́чник, всегда́ кипящий// нетле́ния Божественныя во́ды.

**Сти́х:** Яко́ утверди́ся ми́лость Его́ на нас, /  
и исти́на Госпо́дня пребыва́ет во ве́к.

Любо́вию духо́вною днесь да воспойм иера́рха,/ апо́столов еди́нонравнаго/ и благоче́стия побóрника,/ благоглаго́лания наводне́ние,/ пото́к учи́тельства, зело́ сладча́йший,/ словес́ высокоглаго́льных твёрдость,/ небогро́мная уста́, огнеды́шущий язы́к,/ прему́дрости сокрови́ще, Сло́ва пропове́дника,// ве́рных удобре́ние.

**Слава , глас 8.**

Сла́ва Отцу́, и Сы́ну, и Свято́му Духу.

Бóдрый язýк твой ко учéнию,/ во ушесéх сердéчных воз-  
глаша́ющий,/ лени́вых дýши возставляет,/ и Боговещáн-  
ными глаго́лы лéствица обрета́ется,/ от земли к Бóгу воз-  
водя́щая./ Тёмже, Григóрие Богослóве,/ не преста́й моля́-  
ся Христу́// от бед спасти́ дýши нáша.

*И ныне, глас 1:*

И ны́не, и прíсно, и во ве́ки веко́в. Ами́нь.

Всеми́рную сла́ву, / от челове́к прозя́бшую / и Влады́ку  
ро́ждшую, / Небе́сную дверь воспо́им, Мари́ю Дéву, / Без-  
плóтных песнь и ве́рных удобре́ние: / Сия́ бо яви́ся не́бо  
и храм Божества́, / Сия́ прегражде́ние вражды́ разруши́в-  
ши, / мир введе́ и Цáрствие отве́рзе; / Сию́ ўбо иму́ще  
ве́ры утвержде́ние, / Побóрника íмамы из Нея́ ро́ждшаго-  
ся Го́спода. / Дерза́йте ўбо, дерза́йте, лю́дие Бóжи, / ибо  
Той победит враги́, // я́ко Всеси́лен.

### Вечерняя песнь Сыну Божию

Свете Тíхий святýя сла́вы,/ Безсме́ртнаго, Отца́ Небе́сна-  
го,/ Свята́го Блаже́ннаго, Иисýсе Христé./ Прише́дше на  
за́пад со́лнца,/ ви́девше свет вече́рний,/ поём Отца́, Сы́на  
и Свята́го Дýха, Бóга./ Достóин еси́ во вся времена́/ пёт  
бы́ти гла́сы преподо́бными,/ Сы́не Бóжий, живóт да́й,//  
тёмже ми́р Тя сла́вит.

*Диакон:* Во́ннем.

*Священник:* Мир всем.

*Лик:* И дýхови твоему́.

### Прокимен

В пяток вечера, глас 7:

**Диакон:** Премудрость. Вонмем. Прокимен, глас .

Бо́же, заступник мой еси́ Ты, / и мило́сть Твоя́ предва́рит мя.

**Лик:** Бо́же, заступник мой еси́ Ты, и мило́сть Твоя́ предва́рит мя.

**Диакон:** Изми́ мя от враг мо́их, Бо́же, и от воста́ющих на мя изба́ви мя.

**Лик:** Бо́же, заступник мой еси́ Ты, и мило́сть Твоя́ предва́рит мя.

**Диакон:** Бо́же, заступник мой еси́ Ты

**Лик:** И мило́сть Твоя́ предва́рит мя.

В пятницу вечера. Глас 7

Бо - же, За - ступ - ник мой е - си Ты, и ми - лость Тво - я пред - ва - рит мя.

Чтение паремий

**Диакон:** Премудрость.

**Чтец:** Притчей чтение.

**Диакон:** Вонмем.

Па́мь прáведнаго с похва́лами, и благослове́ние Госпо́дне на главе́ его́. Блаже́н челове́к, иже обре́те Прему́дрость, и сме́ртен, иже уве́де ра́зум. Лу́чше бо Сию́ купова́ти, неже́ли зла́та и серебра́ сокровища. Честне́йшая же есть ка́мений многоце́нных, все же честное́ недостойно́ Ея́ есть. Долгота́ бо дней и ле́та живота́ в десни́це Ея́, в шу́йце же Ея́ бога́тство и сла́ва. От уст Ея́ исхо́дит пра́вда, зако́н же и мило́сть на язы́це но́сит. Послу́шайте у́бо Мене́, о ча́да, честна́я бо реку́: и блаже́н челове́к, иже пути́ Моя́ сохра́нит; исхо́ди бо Мой, исхо́ди живота́, и уго́товляется хоте́ние от Го́спода. Сего́ ра́ди молю́ вас и предлага́ю Мой глас сыно́вом челове́ческим: я́ко Аз, премудро́сть устро́их, сове́т и ра́зум, и смы́сл Аз призва́х. Мой сове́т и утвержде́ние, Мой ра́зум, Моя́ же кре́пость. Аз Мене́ лю́бящая лю́блю, ищущи́и же Мене́ обря́щут благода́ть. Разу́мьте у́бо, незло́бивии, кова́рство, ненака́заннии же, прилагáйте серде́ц. Послу́шайте Мене́ и па́ки, честна́я бо реку́: и отве́рзу от усте́н пра́вая, я́ко и́стине поучи́тся горта́нь Мой, ме́рзки же пре́до

Мно́ю устны́ лживыя. С правдою вси глаго́лы уст Мои́х, ничто́же в них стрóпотно, ниже́ развращённо. Вся пра́ва суть разумева́ющим и прóста обрета́ющим ра́зум. Науча́ю бо вас и́стине, да бу́дет о Го́споде наде́жда ва́ша, и испо́лнитеся Ду́ха.

**Диакон:** Премудрость.

**Чтец:** Премудрости Соломоновы чтение

**Диакон:** Воннем.

Уста́ праведнаго ка́плют премудрость, устне́ же мужей́ му́дрых ве́дят благодать. Уста́ му́дрых поуча́тся премудрости, пра́вда же избавляет их от сме́рти. Сконча́вшуся му́жу праведну, не поги́бнет наде́жда. Сын бо праведен ражда́ется в живóт и во благих́ своих́ плод пра́вды обы́мет. Свет праведным́ всегда́, и от Го́спода обря́щут благодать и сла́ву. Язы́к му́дрых до́брая свесть, и в се́рдце их почи́ет му́дрость. Лю́бит Госпо́дь преподо́бная сердца́, приятни же Е́му вси непоро́чнии в пу́ти. Му́дрость Госпо́дня просвеща́ет лице́ разу́мнаго. Постига́ет бо жела́ющая Ю́, пре́жде да́же разуме́ти Ю́, и удо́бь у́зрится от лю́бящих Ю́. Утренева́вый к Ней не утрудíтся, и бдяй Ея́ ра́ди вско́ре без печа́ли бу́дет. Яко́ досто́йных Ея́ Сама́ обхо́дит, и́щущи, и во стезя́х Ея́ являет́ся им благоприёмне. Му́дрости никогда́же одоле́ет зло́ба. Сих ра́ди и рачи́тель бых добро́ты Ея́, и возлю́бих Ю́, и поиска́х от ю́ности моея́. И взыска́х Невесту́ привести́ себе́, яко́ всех Влады́ка возлю́би Ю́. Тайни́ца бо есть Бо́жия хитрости́, и обрета́тельница дел Егó. Труды́ Ея́ суть добродетели́: целомудри́ю же и ра́зуму Та учи́т, пра́вде и му́жеству, и́хже потре́бнее ничто́же есть в жити́и челове́ком. А́ще же и мно́гаго иску́сства желáет кто, весть дрéвняя, и бы́ти хотя́щая разсмо́трит. Свесть извѣ́тия словес́ и разреше́ния гадáний, зна́мения и чудеса́ про-разуме́ет, и сбы́тия вре́мен и лет; и всем советникъ́ есть благ, яко́ безсме́ртие есть в Ней и благосла́вие во общѣ́нии словес́ Ея́. Сего́ ра́ди бесе́довах ко Го́споду, и помоли́хся Е́му, и рех от всего́ се́рдца моего́: Бо́же отце́в и Го́споди ми́лости, сотвори́вый вся Сло́вом Твои́м и Му́дростию Твое́ю устро́ивый челове́ка, да владе́ет бѣ́вшими от Тебе́ тварьми́ и да управляет мир в преподо́бии и пра́вде. Дажь ми Твои́х Престо́лов присе́дшую Премудрость и не отлучи́ мене́ от о́трок Твои́х, яко́ аз раб Твой и сын рабы́ни Твоея́. Посли́ Ю́ с Небе́с от свята́го жили́ща Твоего́, и от Престо́ла сла́вы Твоея́, да сущи́ со мно́ю, научи́т мя, что благоуго́дно есть пред Тобо́ю, и наста́вит мя в ра́зум, и сохрани́т мя в сла́ве Сво́ей. Пomyшле́ния бо сме́ртных вся боязли́ва, и погрешíтельна умы́шления их.

**Диакон:** Премудрость.

**Чтец:** Премудрости Соломоновы чтение

**Диакон:** Вѡнмем.

Праведник, аще постигнет скончаться, в покое будет: старость бо честна не многолетна, ниже в числе лет исчитается. Седина же есть мудрость человеком, и возраст старости житие нескверно. Благоугоден Богу быв, возлюблен бысть, и живый посреде грешник представлен бысть, восхищен бысть, да не злоба изменит разума его или леть прельстит душу его. Рачение бо злобы помрачает добрая и парение похоти пременяет ум незлобив. Скончався в мале, исполни лета долга, угодна бо бе Господеви душа его, сего ради потщася от среды лукавствия. Люди же видевше и не разумевше, ниже положивше в помышлении таково, яко благодать и милость в преподобных Его и посещение во избранных Его.

### Сугубая ектенія

**Диакон:** Рцем вси от всея души, и от всего помышления нашего рцем.

**Лик:** Господи, помилуй.

**Диакон:** Господи Вседержителю, Боже отец наших, молим Ти ся, услыши и помилуй.

**Лик:** Господи, помилуй.

**Диакон:** Помилуй нас, Боже, по велицей милости Твоей, молим Ти ся, услыши и помилуй.

**Лик:** Господи, помилуй *(трижды)*. *(на каждое прошение)*

**Священник:** Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

**Лик:** Аминь.

### Молитва при наступлении вечера

**Лик:** Сподоби, Господи, в вечер сей без греха сохранитися нам./ Благословен еси, Господи Боже отец наших,/ и хвально и прославлено имя Твое во веки, аминь./

Буди, Господи, милость Твоя на нас, якоже уповахом на Тя./ Благословен еси, Господи, научи мя оправданием Твоим./ Благословен еси, Владыко, вразуми мя оправданием Твоим./ Благословен еси, Святыи, просвети мя оправданием Твоим./

Господи, милость Твоя во век, дел руку Твоею не презри./ Тебе подобает хвала. Тебе подобает пение,/ Тебе слава подобает, Отцу и Сыну и Святому Духу, // ныне и присно и во веки веков. Аминь.

### Ектения просительная

**Диакон:** Исполним вечернюю молитву нашу Господеви.

**Лик:** Господи, помилуй. *(на каждое прошение)*

**Диакон:** Вечера всего совершенна, свята, мирна и безгрешна у Господа просим.

**Лик:** Подай, Господи. *(на каждое прошение)*

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

**Лик:** Тебе, Господи.

**Священник:** Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

**Лик:** Аминь.

**Священник:** Мир всем.

**Лик:** И духови твоему.

**Диакон:** Главы наша Господеви приклоним.

**Лик:** Тебе, Господи.

**Священник:** Буди держава Царствия Твоего благословена и препрославлена, Отца, и Сына, и Святаго Духа, ныне и присно, и во веки веков.

**Лик:** Аминь.

### Стихиры на стиховне

свт. Григория Богослова, архиепископа Константинопольского

**Канонарх:** Глас 5, Радуйся, Богословия источниче.

Радуйся, Богословия источниче/ и Богозрения высокога обитель:/ вышнюю бо глубину, отче,/ с благочестивым помыслом испытав,/ всем уяснил еси/ в Трех Солнцех Единого Света быти растворение,/ соединяемое тождеством Божества,/ троичествуемое же Честными Ипостасями,/ жития убо чистотою и словес светлостию/ чест-

вовати научая Троицу Всесвятую, Богодохновенне.// От Неяже низпослаться душам нашим моли велию милость.

**Стих:** Уста моя возглаголют премудрость. /

и поучение сердца моего разум.

Зарю Богословия твоего/ ересей темноейство разрушил еси,/ источник бо озарений/ Богочестивым помыслом, Богослове, предварив и Богомудрым,/ светлостем сущим, отонуду подаваемым, приобщился еси./ Просиятелен бо твой ум, якоже зеркало, соделавый,/ Троичный Божества, отче, Свет и Нераздельный/ приял еси светлейший,/ и Лучу, богато единственную, вместил еси,/ Юже ныне умоли// душам нашим даровати велию милость.

**Стих:** Уста праведнаго поучатся премудрости. /

и язык его возглаголет суд.

Радуйся, реко Божия,/ яже присно полна вод благодати,/ всяк веселящая град Царя Христа/ Божественными словесы и ученьми;/ сладостный поток, неисчерпаемая пучина,/ догматов известный хранитель законный;/ теплейший Троицы поборник,/ орган Духа Святаго,/ ум бодрый, благогласный язык,/ глубину писаний сказующий./ Христа ныне моли/ душам нашим даровати велию милость.

**Слава, глас 8:**

Слава Отцу, и Сыну, и Святому Духу

Сердца верных земледеляя языком твоим, Григорие,/ благочестия в них присноцветущия израстил еси плоды Богу,/ терновныя ереси посекая из корене/ и украшая смислы чистотою./ Темже, приемля наша похвалы,/ Бо-

жѣственная цевница, бодрое око,/ пастырей пастырь,  
волков ловец,/ молися прилежно, Богослове, Слово// о  
душах наших.

**И ныне, глас 8:**

и ныне, и присно, и во веки веков. Аминь.

Безневѣстная Дѣво, / яже Бога неизреченно зачѣнши  
плотию, / Мати Бога Вышняго, / Твоих рабов мольбы при-  
ими, Всенепорочная, / всем подаючи очищение прегре-  
шений, / ныне наша молѣния приемлющи, / моли спасти-  
ся всем нам.

#### **Молитва святого Симеона Богоприимца**

**Лик:** Ныне отпускаеши раба Твоего, Владыко,/ по глаголу  
Твоему с миром:/ яко видеста очи мои спасение Твое,/  
ѣже еси уготовал пред лицем всех людей,/ свет во откro-  
вление языков,// и славу людей Твоих Израиля.

**Чтец:** Святыи Боже, Святыи Крепкий, Святыи Безсмертный, помилуй  
нас (**трижды**).

Слава Отцу и Сыну и Святому Духу, и ныне и присно и во веки веков.  
Аминь.

Пресвятая Троице, помилуй нас; Господи, очисти грехи наша; Вла-  
дыко, прости беззакония наша; Святыи, посети и исцели немощи  
наша, имене Твоего ради.

Господи, помилуй (**трижды**).

Слава Отцу и Сыну и Святому Духу, и ныне и присно и во веки веков.  
Аминь.

Отче наш, Иже еси на Небесех! Да святится имя Твое, да придет Цар-  
ствие Твое, да будет воля Твоя, яко на Небеси, и на земли. Хлеб наш  
насущный даждь нам днесь; и остави нам долги наша, якоже и мы  
оставляем должником нашим; и не введи нас во искушение, но избави  
нас от лукаваго.

**Священник:** Яко Твое́ есть Ца́рство, и си́ла, и сла́ва, Отца́, и Сы́на, и Свята́го Ду́ха, ны́не и прісно, и во ве́ки веко́в.

**Лик:** Ами́нь.

### Тропари

Тропарь свт. Григория Богослова, глас 1

**Глас 1:** Па́стырская свире́ль Богосло́вия твоего́/ ри́торов победи́ трубы́,/ я́коже бо глуби́ны́ ду́ха изыска́вшу,/ и добро́ты веща́ния приложи́шася тебе́./ Но моли́ Христа́ Бо́га, о́тче Григо́рие, // спасти́ся душа́м на́шим.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

**Глас 1:** Гаври́лу веща́вшу Тебе́, Де́во, ра́дуйся, / со гла́сом воплоща́шеся всех Влады́ка / в Тебе́, святём киво́те, / я́коже рече́ пра́ведный Дави́д, / яви́лася еси́ ши́ршая Небе́с, / поноси́вши Зижди́теля Твоего́: / сла́ва Всельше́муся в Тя; / сла́ва Проше́дшему из Тебе́; // сла́ва Свобо́дившему нас Рожде́ством Твои́м.

**Диакон:** Премудро́сть.

**Лик:** Благосло́ви.

**Священник:** Сый благосло́вен Христо́с Бог наш, всегда́, ны́не и прісно и во ве́ки веко́в.

**Лик:** Ами́нь. Утверди́, Бо́же,/ святу́ю правосла́вную ве́ру, правосла́вных христиа́н/ во век ве́ка.

**Священник:** Пресвята́я Богоро́дице, спаси́ нас.

**Лик:** Честне́йшую Херуви́м и сла́внейшую без сравне́ния Серафи́м, без ислéния Бо́га Сло́ва ро́ждшую, су́щую Богоро́дицу Тя велича́ем.

7 февраля 2026. Святитель Григорий Богослов

**Священник:** Сла́ва Тебе́, Христе́ Бо́же, упова́ние на́ше, сла́ва Тебе́.

**Лик:** Сла́ва Отцу́ и Сы́ну и Свято́му Ду́ху, и ны́не и прісно  
и во ве́ки веко́в. Ами́нь. Го́споди, поми́луй **(трижды)**.  
Благослови́. (или ....Влыдыко, благослови)

#### **Священник глаголет Отпуст**

Христосъ Истинный Бог наш, моли́твами Пречи́стыя Своея́ Ма́тере, свт. Григо́рия Богослова, архиепископа Константинопольского, и всех святы́х, поми́луе́т и спасе́т нас, я́ко Благ и Человеколюбец.

#### **Многолетие**

**Лик:** Вели́каго господі́на и отца́ на́шего Кири́лла,/ Святе́йшаго Патриа́рха Моско́вскаго и всея́ Ру́си,/ богохра́нимую страну́ на́шу Росси́йскую,/ настоя́теля, бра́тию и прихо́жан свята́го хра́ма сего́,/ и вся правосла́вныя христиа́ны,/ Го́споди, сохрани́ их на мно́гая ле́та.